

Zeitschrift: L'ami du patois : trimestriel romand
Band: 10 (1982)
Heft: 3

Artikel: Tenablya de l'amicala dai patoisan de Savegny-Fori
Autor: Duboux, F.
DOI: <https://doi.org/10.5169/seals-240434>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 16.01.2026

ETH-Bibliothek Zürich, E-Periodica, <https://www.e-periodica.ch>



TENABLYA DE L'AMICALA DAI PATOISAN DE SAVEGNY—FORI

Pè on asse bî dzo, lo 11 de setteimbroy 1982, l'ètai damâdzo d'allâ s'einfattâ on pâilo, mâ lè z'ami dâo vîlyo dèvesâ l'ant tot parâit z'u à tieu de fère l'âo tenâblyâ ao pâilo de l'Auberdzo de Forî, aprî l'âo salyâita de sti an.

On pâo pas dere que l'âi avâi on mouî de mondo sti yâdzo, on poû mé d'onna veintanna; l'è que, avoué totè lè fîtè que l'âi a pertot : lo Martsî à Savegny, lo Comptoî pè Lozena et ne sé quie, faut dèpartadzî po que l'âi ausso pertot quauqu'on et min fère de dzalâo.

Lo presideint Alfred Noverraz l'a de que l'avâi ètâ invitâ, avoué s'n èpâosa, à la Fîta dâo veintièmo anniverséro de la fondachon de l'Amicâla dâi patoisan frebordzâi de Vèvâi : "Lo Botiet à Tobî", yô l'ant z'u grô de plliésî, po cein que cliâo z'ami sâvant s'organisâ de sorta quand volyant sè retrovâ eintre leu dein lo quienton vesin et bravô à leu, câ dinse n'âoblyant pas lo vîlyo dèvesâ de l'âo z'anchan.

Marie-Luise Goumaz l'a dèvesâ de la Fîta que sè farâ à Ropraz lè 25 et 26 dâo mâi de setteimbroy 1982, que l'a à nom : "Lo Dzorât d'antan", yô on dèveserâ bin adrâi dâo patoi per tsî no et d'autra pâ et yô on porrâ vère lè metî et lè travau payîsan dâi z'autro yâdzo. Et pu l'a de quauquè mot de la Fîta cantonâla valaisan à Nendaz yo'onna dèlègachon vaudoise l'a ètâ invitâie

Reynold Retsâ l'a rappelâ que l'Amicâla dâi patoisan de Savegny—Forî et einveron l'a ètâ fondâie ein dèceimbroy 1952 et que l'âi arâ dan 30 an ao mâi de dèceimbroy de sti an 1982. Adan l'a propousâ de fitâ bin adrâi sti l'anniverséro; bin sù que tî lè z'ami preseint l'ant àtâ d'accoo et lo comitâ vâo vère po organisâ sta Fîta ao pecolon.

Quemeint de coutema, l'âi a z'u dâi producchon : conto, gouguenettè et tsanson ein vîlyo dèvesâ et la tenâblyâ l'a botsî pè lo petit-goutâ avoué dâo taillî-brelyî et, à binstoû lo plliésî de sè retrovâ po fitâ lo treintièmo anniverséro de noûtr'Amicâla.

F. Duboux